



Aqqalu C. Jerimiassen  
Atassut

UKA 2021/107  
21. oktober 2021

**Nuna tamakkerlugu Aasianni inuussutissarsiornermik ilinniarfiliortoqassappat pittaaqutaanik ajoqutaanillu nassuiaammik UPA2023-imi saqqummiusseqqullugit Naalakkersuisut peqquneqarnissaannik Inatsisartut aalajangiiffingisassaatur siunnersuut. Naalakkersuisut nalunaarusiornerminni ilinniarfitaanerup iluani inuussutissarsiornermik ilinniarfimmik nutaaliorfiusumik nutaamik sanasoqarnissaanut pisariaqartitsisoqarnera eqqarsaatigissavaat.**

(Inatsisartunut Ilaasortaq Kristian Jeremiassen, Inuit Ataqatigiit)

Nipilersorneq eqqartorneqalersillugu sorpassuit ila pulaffigineqarsinnaasaqaat.

Siunissarlumi ungasinnersortaaq isigalugu piukkunnartorpassuarnik inuiaqatigiinni peqaqaagut nunatta avataanut nittarsaassisorillualersinnaajumaakkatsinnik.

Taamaattorli qanorinnikkulluunniit pisortat tassani kisimik isumalluutaasariaqanngillat.

Atagulu uani assersuuteqalaarlaga; maanna Ilulissani Nipilersortartut peqatigiiffiata nammineq piumassutsimik sulisimaneranik Ilulissani atuarfiit nipilersuutiniq nutaanik pisaartinneqarnikuupput. Tamakkuuppullu meerartatsinnut inuusuttuartartatsinnullu aqutissiuussinermik matumik ammaarluartutaaq maanna ilagileriigaat.

Aasiaat naluneqanneqaaq nipilersornikkut annertuumik siuarsimalluni inissisimajuartartoq sinnerissat sinneranut sanilliutissangaanni.

Uanilu periarfissatut eqqarsaasersuutigineqartoq taamaammat misissussallugu soqutiginaateqarsinnaavoq.

Uungali killittuallanninni ilaatigut eqqarsaasersuutinnut ilaatilepara, maanna oqallisigineqareersimalersoq imm.95-imut tapullugutaaq kaavisinneqarsinnaanera pilerinaateqarsinnaavoq. Eqqartoqqammerparpummi ilinniarfeqarfiit Campusitut inerisaqqinneqarnissaannut isuma, ataatsimiitsitalianilu eqqartorneqareerneranni naalakkersuisunut ingerlaqqinnerini uunga isummamutaaq taputissallugu piukkunnaateqarsinnaasutut isigineqarsinnaalluarmat.

Taamatut oqaaseqarluta siunnersuut Ilinniarfitaanermut ataatsimiitsitaliamut innersuupparput.